



Province of the  
**EASTERN CAPE**  
EDUCATION

**NATIONAL  
SENIOR CERTIFICATE**

**KEREITI YA 12**

**LOETSE 2019**

**SESOTHO PUO YA LAPENG PAMPIRI YA 3**

**MATSHWAO: 100**

**NAKO: 2½ dihora**

---

Pampiri ena e na le maqephe a 5.

---

**DITAELO LE DIKELETSO HO MOHLAHLOBUWA**

1. Pampiri ena e arotswe DIKAROLO TSE PEDI:

KAROLO YA A: Moqoqo (50)

KAROLO YA B: Ditema tsa Kgokahano tse 2 (2 x 25) (50)

**ELA HLOKO:** O lebelletswe ho araba dipotso TSE PEDI KAROLONG YA B.

2. Araba potso E LE NNGWE KAROLONG YA A, dipotso TSE PEDI KAROLONG ya B.

3. Araba dipotso TSOHLE ka Sesotho.

4. Qala KAROLO E NNGWE le E NNGWE leqepheng le LETJHA.

5. Etsa moralo wa tema e nngwe le e nngwe (ka ho etsa mmapa wa monahano/ daekramo/tjhate e bontshang tatelano ya mehopolo kapa lenane la dintlha tseo o tlang ho ngola ka tsona): Ha o qetile, bala tema hape ho hlaola diphoso. Meralo e hlahiswe QALONG ya tema ka nngwe.

6. Meralo yohle e totobatswe ka tshwanelo hore ke meralo.

7. O eletswa ho sebedisa nako ka mokgwa ona:

Metsotso e 80 ho araba KAROLO ya A.

Metsotso e 35 ho araba tema ka nngwe (2 x 35) KAROLONG ya B.

8. Nomora dikarabo tsa hao jwalo ka ha dipotso di nomorilwe pampiring ya dipotso.

9. Sehlooho se se ke sa balellwa e le karolo ya palo ya mantswa.

10. Ngola ka mongolo o makgethe mme o balehang.

**KAROLO YA A: MOQOQO****POTSO YA 1**

Kgetha sehlooho kapa setshwantsho SE LE SENG, mme o ngole moqoqo wa boelele ba mantswe a 400–450 (dikahare feela). Ebang o kgetha setshwantsho ngola o itshetlehile ka mohopolo o qholotswang ke setshwantsho maikutlong a hao, mme o iqapele sehlooho sa hao.

- 1.1 Mehlang ena naha e jele boya. [50]
- 1.2 Diselefounu tse tlang le baithuti sekolong di baka pherekano e kgolo ho baithuti le matitjhere. Dumela kapa o hanane le mohopolo ona. [50]
- 1.3 Thuto ke lefa le sa boleng. [50]
- 1.4 Botle le bobele ba mehwanto e etswang ke setjhaba ha se sa kgotsotsofalla ditshebeletso tsa mmuso. [50]
- 1.5 Lerato le bontshwang ke boMme. [50]
- 1.6 Ho kwetelwa le ho bolawa ha masea le basadi ho iphile matla naheng ya ha bo rona. [50]
- 1.7 Boha ditshwantsho tsena tse ka tlase. Kgetha SE LE SENG o nto ngola moqoqo o itshetlehileng mohopolong wa sehlooho o qholotswang ke setshwantsho seo maikutlong a hao. Iqapele sehlooho sa hao. Se le bale ho etsa moralo le ho hlaola diphoso moqoqong wa hao.

## 1.7.1



[setshwantsho sena se qotsitse ho tswa ho Jet club 2018]

[50]

1.7.2



[setshwantsho sena se qotsitswe ho Jet club 2018] **[50]**

**MATSHWAO OHLE A KAROLO YA A: 50**

**KAROLO YA B: DITEMA TSA KGOKAHANO****POTSO YA 2**

Kgetha mme o ngole ditema tse PEDI karolong ena, bolelele ba tema ka NNGWE e be mantswe a 180–200 (dikahare feela). Hopola ho etsa moralo, o boele o lekole ditema tsa hao botjha ho hlaola diphoso.

**2.1 LENGOLO LA SEMMUSO**

Ngolla Mookamedi wa Lefapha la Thekolohelo o kopele bana ba mohaisane wa hao ya seng a hlokahetse thuso ya ho fumana mangolo a tswalo le dithuso tse ding.

**[25]****2.2 PUO**

Mokgatlo wa batjha wa kereke eo motswalle wa hao a kenang ho yona, o o memme ho ba sebui sa letsatsi ho tla eletsa batjha ka kotsi ya ho kenya mabitso a bona a nnete ho inthanete.

**[25]****2.3 LENGOLO LA SETSWALLE**

Ngolla malome wa hao ya dulang haufi le sekolo seo o kenang ho sona o mo kope ho tla dula le yena ho tla itokiselletsa ditlhalobo tsa makgaolakgang le baithutimmoho le wena ka nako ya mantsiboya.

**[25]****2.4 LENGOLO LA KOPO YA MOSEBETSI LE TOKOMANE YA BOITSEBISO (CV)**

O bone sekgeo sa mosebetsi wa bopolesa koranteng. Ngolla Motsamaisi wa Lefapha o kope mosebetsi oo, o se le bale ho kenyelletsa tokomane ya boitsebiso (CV) e hlalolang tsohle ka wena.

**[25]****2.5 TEKOLOKAKARETISO YA BUKA**

O moithuti ya ratang ho bala dibuka ho ikekelletsa tsebo. Re ngolle tekolokakaretso ya buka ya kgetho ya hao, e nang le thuto ya bohlokwa. **Ela hloko:** se ngole ka buka eo o e balang selemong sena.

**[25]****2.6 PUISANO**

Ngola puisano e pakeng tsa motswadi wa morutwana ya sa tleng sekolong ka mehla, a bile a etsa kereiti ya leshome le metso e mmedi le mosuwelhoo wa sekolo seo a kenang ho sona.

**[25]**

**MATSHWAO OHLE A KAROLO YA B (25 x 2): 50**  
**MATSHWAO OHLE A PAMPIRI ENA: 100**